


# 89 წელი თქვენთან ერთად!

89 წლის წინ, 1933 წლის 2 აპრილს გამოვიდა გაზეთების: „თერჯოლის“, „წინსვლის“ და „საკოლმეურნეო სოფლის“ წინამორბედის, გაზეთ „ჩხარის კოლმეურნის“ პირველი ნომერი. გამოცემის საიუბილეო, 90-ე წელი!



„არს მთის კალთას, სკანდას, სასახლე მეფეთა და ციხე დიდი, დიდშენი“  
პანუშტი ბაბრატიონი


# თერჯოლა

სახოვადობრივი გაზეთი • გამოდის 1933 წლიდან • №13 {7066} 1 ივლისი 2022 წელი • Facebook გაზეთი თერჯოლა

## ფესტივალი „თეატრალური იმერეთი“—2022

მორიგი საერთაშორისო ფესტივალი „თეატრალური იმერეთი“ 16 ივნისს დაიწყო. ქუთაისის, ლადო მესხიშვილის სახელობის პროფესიულ თეატრში ფესტივალის ფარგლებში პირველი წარმოდგენა ზესტაფონის, უშანგი ჩხეიძის სახელობის თეატრმა გამართა. „გულოცავ იმერეთს მე-13 თეატრალური ფესტივალის დაწყებას, ფესტივალის, რომელიც დიდი ხანია გასცდა, როგორც იმერეთს

წარმოდგენილი იყო 17 სპექტაკლი. ფესტივალის დახურვის ღონისძიება ქუთაისის, ლადო მესხიშვილის სახელობის პროფესიულ თეატრში 1 ივლისს გაიმართა. სპექტაკლები შეაფასა პროფესიულმა ჟიურიმ, ფესტივალის სხვადასხვა ნომინაციებში გამოვლინდნენ გამარჯვებულები. ფესტივალზე რეგიონის თეატრალური დასების მიერ წარმოდგენილი განსხვავე-



თან ერთად მუშაობდა. სპექტაკლი გვიყვება ამბავს, როგორ შობს ძალადობა - ძალადობას. კედელი, რომელიც სხვადასხვა საზოგადოებრივ სეგმენტებს შორის არის აღმართული, ხშირ შემთხვევაში რეალობას მალავს და ყოფიერება, რომელშიც ადამიანი ცხოვრობს აბსოლუტურად ყველა ინდივიდზე თანაბრად მოქმედებს.



ასევე, საქართველოს ფარგლებს და შეიძინა საერთაშორისო მასშტაბები. წელს ფესტივალი განსხვავებული ფორმატით ტარდება. თეატრები სპექტაკლებს თავიანთ მუნიციპალიტეტებში წარმოადგენენ, ამ ნაბიჯით ვცდილობთ, კიდევ უფრო

ბული ჟანრისა და შინაარსის სპექტაკლების გარდა, მაყურებელმა ნახა ყაზახეთის თეატრისა და თბილისის ახალგაზრდული თეატრის წარმოდგენები. ფესტივალზე დასწრება თავისუფალი იყო. საერთაშორისო ფესტი-



გავაცოცხლოთ თეატრალური ცხოვრება მუნიციპალიტეტებში“—განაცხადა ფესტივალის გახსნაზე იმერეთის გუბერნატორმა ზვიად შალამბერიძემ. ფესტივალის ფარგლებში მოქმედი პროფესიული თუ სახალხო თეატრების მიერ

ვალის ფარგლებში ჟიურისა და მაყურებლის წინაშე თერჯოლის კულტურის სახლთან არსებული სახალხო თეატრი წარსდგა 28 ივნისს. დენის კელის პიესაზე, „ობლები“, რეჟისორი მამუკა ცერცვაძე სახალხო თეატრის დას-

## უპრეცედენტო პროექტი...

მაღალი ხარისხის ჯანდაცვაზე მაქსიმალური ხელმისაწვდომობის გაზრდის მიზნით და პაციენტთა საჭიროებების გათვალისწინებით, საქართველოს მთავრობამ დაიწყო უპრეცედენტო პროექტი—„იშვიათი დაავადებების მქონე და მუდმივ ჩანაცვლებით მკურნალობას დაქვემდებარებულ პაციენტთა მკურნალობის“ სახელმწიფო პროგრამაში ცვლილებების შედეგად, ყველა პაციენტი სასიცოცხლო მნიშვნელობის პრეპარატს უფასოდ მიიღებს. ბენეფიციარების უმეტესობისთვის, დაავადების მედიკამენტური მკურნალობა, მაღალი ფასის გამო მიუწვდომელი იყო. სპინალურ - კუნთოვანი ატროფიის სამკურნალო პრეპარატის ერთი ფლაკონის ღირებულება 7485 დოლარია, რაც 12 დღის ღირებულებაა. მედიკამენტის გამოყენება ხელს უწყობს სპინალური კუნთოვანი ატროფიის მქონე პაციენტების ცხოვრების ხარისხის გაუმჯობესებასა და სიცოცხლის ხანგრძლივობის გაზრდას. მედიკამენტის გაცემის პროცედურა მარტივია - ჯანმრთელობის ეროვნულ სააგენტოში რეგისტრაციის გავლის შემდეგ, ბენეფიციარის წარმომადგენელი, პირადობის მოწმობის წარდგენის საფუძველზე, ავთიაქში წამალს უფასოდ მიიღებს.

## ამბები თერჯოლის მუნიციპალიტეტიდან

☞2

## მუხლჩაუხრელი შრომის ხუთი წელი—ეს „იმერმედია“

☞3

## შემაჯამებელი პროექტები საბავშვო ბაგა-ბაღებში

☞4,5

## პრემიერა შედგა... მიზანი მიღწეულია

☞5

## 23 ივნისს ოლიმპიზმის საერთაშორისო დღეს...

☞7

## ივლისი

7 ივლისი—იოანე ნათლისმცემლის შობა  
12 ივლისი—პეტრე-პავლობა  
13 ივლისი—სვეტიცხოვლობა

გილოცავთ!



# ამბები თერჯოლის მუნიციპალიტეტიდან

რუბრიკით: „ამბები თერჯოლის მუნიციპალიტეტიდან“, ტრადიციულად ვთავაზობთ წერილებს, რომლებიც მომზადებულია საჯაროდ გამოქვეყნებული ინფორმაციების საფუძველზე.

## პროგრამა „განახლებული რეგიონები“...

ამ პროგრამის პროექტების ფარგლებში რეაბილიტაცია ჩატარდება ქ. თერჯოლის ცენტრალურ უბანს—რუსთაველის ქუჩას, 5 მალღვივ შენობას და 2 პარკს.

პროგრამა „განახლებული რეგიონები“ პრემიერ-მინისტრის მიერ ინიცირებული 4 წლიანი პროგრამაა, რომელიც საქართველოს 63 მუნიციპალიტეტს მოიცავს და მისი მხლოდ პირველი ეტაპის საორიენტაციო ღირებულება 500 მილიონი ლარია.

პროგრამა ითვალისწინებს რეგიონების ურბანულ განახლებას, რაც სახელმწიფოს, მუნიციპალიტეტის და კერძო საკუთრებაში არსებული მნიშვნელოვანი ობიექტების განვითარებას გულისხმობს.

პროგრამის პირველ ეტაპზე დაფინანსებული პროექტების უმეტესობა 2022 წლის ზაფხულში უნდა დასრულდეს.

პროგრამის დასრულების შემდეგ განახლება ცენტრალური ქუჩები, რეაბილიტირდება და მოეწყობა ახალი სკვერები და სხვა მუნიციპალური ინფრასტრუქტურა. ახალი პროექტების შედეგად განახლებული ურბანული მდებარეობები ახალ შესაძლებლობებს გაუჩენს ადგილობრივ მოსახლეობას.



პროგრამის „განახლებული რეგიონები“ ფარგლებში თერჯოლაში მრავალსართულიანი საცხოვრებელი სახლების რეაბილიტაცია დასკვნით ეტაპზეა

## ოთხი მუნიციპალიტეტისათვის მნიშვნელოვანი მაგისტრალი...

დასრულების ეტაპზეა რუფოთი-ალისუბანი-საზანო-თუზის საავტომობილო გზის 19 კმ-იანი მონაკვეთის სარეაბილიტაციო სამუშაოები.

აღნიშნული გზა თერჯოლის, ტყიბულის, ჭიათურის, ზესტაფონის მუნიციპალიტეტებისა და მათი მიმდებარე სოფლების საგზაო კავშირს წარმოადგენს.

ამ დროისთვის გზის ერთ მონაკვეთზე გვერდულებისა და საგზაო ნიშნების მოწყობა, ხოლო მეორე მონაკვეთზე გზის საფუძვლისა და ასფალტ-ბეტონის საფარის მოწყობის სამუშაოები მიმდინარეობს.



პროექტი სახელმწიფო ბიუჯეტიდან ფინანსდება და მისი საერთო ღირებულება 16 443 900 მლნ. ლარია.

სამუშაოები ეტაპობრივად ზაფხულის ბოლომდე დასრულდება.

## ახალთერჯოლის წყალი...

სოფელ ახალთერჯოლაში უწყვეტი წყალმომარაგების მიზნით, წყლის მაგისტრალის სამშენებლო სამუშაოები აქტიურად მიმდინარეობს.

დღეს, თერჯოლის მუნიციპალიტეტის საკრებულოს თავმჯდომარემ, გიორგი ბარათაშვილმა, მერის პირველმა მოადგილემ, მანუჩარ რობაქიძემ, საკრებულოს წევრებმა და ადგილობრივი თვითმმართველობის წარმომადგენლებმა მიმდინარე სამუშაოები ადგილზე დაათვალიერეს.

პროექტის ფარგლებში, წყლის ცენტრალური რეზერვუარი, დამცლელი და მიმწოდებელი მაგისტრალები, საქლორატორო, სატუმბი სადგური და ინდივიდუალური მრიცხველები მოეწყობა. პროექტის დასრულების შემდეგ, სასმელი წყლით 630 ოჯახი ისარგებლებს.

სოფელ ახალთერჯოლაში სასმელი წყლის ცენტრალური ქსელის მოწყობის სამუშაოებს რგვ-დან ადგილობრივი ბიუჯეტის თანადაფინანსებით, ტენდერში გამარჯვებული კომპანია შპს „ჯი-ი-ეს“ ახორციელებს, რომლის ღირებულება 2 138 227 ლარს შეადგენს.

გარდა ამისა, სოფელ ზედა საზანოში მიმდინარე საბავშვო ბაღის სამშენებლო სამუშაოები მორიგ ჯერზე მონახულეს მუნიციპალიტეტის ხელმძღვანელმა პირებმა.

ახალი სკოლამდელი აღზრდის დაწესებულება ორსართულიანი იქნება და 100-მდე აღსაზრდელს მოემსახურება. საბავშვო ბაღში მოეწყობა სათამაშო, სასადილო, სამზარეულო და საძინებელი ოთახები. დამონტაჟდება ცენტრალური გათბობა და აღიჭურვება თანამედროვე ინვენტარით. შენობა ადაპტირებული იქნება შეზღუდული შესაძლებლობის მქონე პირთათვის. პროექტის ფარგლებში, გარდა შიდა ინფრასტრუქტურისა, კეთილმოეწყობა საბავშვო ბაღის ეზო.

## ზედა საზანოს ახალი საბავშვო ბაღი...



## შეაჯამეს სასწავლო წლის შედეგები...

ამ დღეებში, თერჯოლის №1 საჯარო სკოლის ორგანიზებით, კულტურის სახლის დარბაზში წლის შემაჯამებელი ღონისძიება გაიმართა.

ღონისძიებას თერჯოლის მუნიციპალიტეტის მერი, ლაშა გოგი-აშვილი, საკრებულოს თავმჯდომარე, გიორგი ბარათაშვილი და ქალაქ თერჯოლის მაჟორიტარი დეპუტატი, ელისო მურადაშვილი ესწრებოდნენ.



სკოლის მოსწავლეები მრავალფეროვანი ნომრებით წარსდგნენ მაყურებლის წინაშე და თავიანთი ნიჭი და შესაძლებლობები წარმოაჩინეს, ასევე ისაუბრეს სკოლის მნიშვნელობაზე, საყვარელ პედაგოგებსა და ერთმანეთთან მეგობრობაზე.

„დღეს განსაკუთრებით ამაღლებელი და ემოციური დღეა, ვინაიდან მეოთხე კლასის მოსწავლეებისთვის სრულდება სასკოლო ცხოვრების ერთი ეტაპი და იწყება ახალი. ძალიან მახარებს თითოეული თქვენგანის წარმატება, გულწრფელი სითბო და სიყვარული. სწორედ, ამ მიზანს ემსახურებოდა ეს ღონისძიებაც. მინდა მადლობა გადავუხადო მოსწავლეებს, ასევე პედაგოგებსა და მშობლებს, მომავალი თაობის ღირსეულად აღზრდის საქმეში განეული შრომისათვის“—განაცხადა ელისო მურადაშვილმა.

მოსწავლეებს დაწყებითი კლასის პედაგოგი, მაია კუტალაძე დაემშვიდობა, სამომავლო გზა დაულოცა და ბავშვებს სამახსოვრო სიგელები გადასცა.

ღონისძიების ორგანიზატორებს მადლობა გადაუხადეს ხელმძღვანელმა პირებმა და სასკოლო ცხოვრებაში წარმატებები უსურვეს.

გამოსაშვებ ღონისძიებას, საგანმანათლებლო რესურსცენტრის ხელმძღვანელი, ქეთევან შეყრილაძე, საკრებულოს თავმჯდომარის მოადგილეები, დავით გოგებრაშვილი და ჯემალ ისაკაძე, ასევე სხვა მოწვეული სტუმრები ესწრებოდნენ.

## საავტომობილო გზა ქალაქ თერჯოლის გავლით...

შიდასახელმწიფოებრივი მნიშვნელობის ჩოლაბურის ხიდი-თერჯოლა-ტყიბულის საავტომობილო გზაზე 11.6 კმ-იანი მონაკვეთის სარეაბილიტაციო სამუშაოები დასრულების ეტაპზეა.

სარეაბილიტაციო მონაკვეთი თერჯოლის მუნიციპალიტეტში მდებარეობს; იწყება ქალაქ თერჯოლის ცენტრში, გაივლის სოფლებს: რუფოთს, ახალ თერჯოლას, ჩხარს და სრულდება სოფელ ძეგრში პროექტის შესაბამისად.

ხორციელდება ასფალტ-ბეტონის საფარის დაგება, ხელოვნური ნაგებობების რეაბილიტაცია, მოსახლეობის ეზოებში შესასვლელეებისა და ადგილობრივ გზებთან მიერთებების მოწყობა. განხორციელდება გზის ჰორიზონტალური მონიშვნისა და საგზაო ნიშნების მოწყობის სამუშაოები.

პროექტი, სახელმწიფო ბიუჯეტიდან ფინანსდება და მისი ღირებულება 8.5 მლნ. ლარია.

## სისხლის დონაციის მორიგი უანგარო აქცია...

ამ დღეებში თერჯოლის მუნიციპალიტეტის მერიის მხარდაჭერით და „ვექსის“ შოსპიტლების ბაზაზე შექმნილი სისხლის ცენტრის ორგანიზებით სისხლის უანგარო დონაციის აქცია ჩატარდა. სისხლის დონაციის აქციაში მუნიციპალიტეტის მერიისა და საკრებულოს თანამშრომლები ჩაერთნენ, ასევე დონორობის სურვილი მოქალაქეებმაც გამოთქვეს.

ამასთან, მოქალაქეებს უფასოდ და კონფიდენციალურობის სრული დაცვით ჩაუტარდათ შემდეგი გამოკვლევები;

- ჰემოგლობინი;
- B და C ჰეპატიტი;
- აივ ინფექცია (შიდსი)

სისხლის ჯგუფისა და რეზუსის დადგენა. მუნიციპალიტეტის მერია მადლობა უხდის აქციის მონაწილეებს მაღალი მოქალაქეობრივი პასუხისმგებლობის გამოჩენისთვის, რომლებიც ზრუნავენ თითოეული ადამიანის სიცოცხლის გადასარჩენად.



# მუხლჩაუხრელი შრომის ხუთი წელი—ეს „იმერმედია“

„ხარისხი, კომფორტი, უსაფრთხოება, კლინიკური, გეოგრაფიული, ფინანსური ხელმისაწვდომობა, განვითარებისაკენ მუდმივი სწრაფვა“—ეს კლინიკა „იმერმედის“ დევიზია. რა გაკეთდა კლინიკის გახსნიდან—2017 წლის 17 ივნისიდან დღემდე—ამის თქმა ძნელიცაა და ადვილიც, მაგრამ მთავარია, რომ ბევრი გაკეთდა...

ყველაზე რთული წლები გადატანილია. ეს წლები იყო დაწინაურების შესრულებისთვის ბრძოლის, აღიარების მოპოვების წლები, კლინიკა ჩართულია საყოველთაო ჯანდაცვის პროგრამაში, არსებობს მუნიციპალიტეტის მერიის თანადაფინანსების პროგრამა, მოსახლეობა სარგებლობს იმ დამატებითი შეღავათებით, რაც გათვალისწინებულია მერიის შესაძლებლობებით, ტარდება უფასო ვასვლითი გასინჯვები იმერეთის მუნიციპალიტეტებში, აქტიურად მუშაობს სასწრაფო სამედიცინო დახმარების ბრიგადა, კარდიოლოგია, თერაპია, ოფთალმოლოგია, პედიატრია, ანგიოლოგია, გინეკოლოგია, დერმატო-ვენეროლოგია, ენდოკრინოლოგია,

ტრამვატოლოგია, ნეიროქირურგია, ინფექციური თერაპია და რეანიმაცია. წარმოებს ზოგად ქირურგიული, ნეიროქირურგიული, პროქტოლოგიური და ოფთალმოლოგიური ოპერაციები. კლინიკას აქვს ოტო-რინოლარინგოლოგიური სერვისი და მაღალკვალიფიციური მონვეული ექიმების მიერ ტარდება ცხვირის გამრუდებაზე პლასტიკური ოპერაციები, სისხლძარღვთა კორონოგრაფია და სტენდირება. არსებობს საკუთარი ავტორიზებული აფთიაქი, რომელიც სპეციალური მედიკამენტით მარაგდება და ექიმის დანიშნულებით და რეცეპტით ნარკოტიკული საშუალებების და ინსულინის მიღება ადვილზე შეიძლება. სრულად არის მოწესრიგებული კლინიკის ინფრასტრუქტურა, უზრუნველყოფილია ცენტრალიზებული და ავტონომიური წყალმომარაგება, გათბობა, ბუნებრივი და ხელოვნური ვენტილაცია, კონდიციონერების, ჟანგბადისა და ვიდეომეთვალყურეობის სისტემები. ცენტრი ჩართულია ნარკოზით დაავადებულ პაციენტთა მკურნალობაში და ფსიქიკური

ჯანმრთელობის სახელმწიფო პროგრამაში, თერჯოლისა და ტყიბულის მუნიციპალიტეტში მცხოვრებ პაციენტებს ამბულატორიული მომსახურების კომპონენტის ფარგლებში მომსახურებას უწევს მაღალკვალიფიციური ექიმები, ბენეფიციარები მკურნალობას ღებულობენ არა მარტო ფსიქიკური ჯანმრთელობის მხრივ, არამედ ყველა პროფილით, ხოლო ხუთწევრიანი გადაამზადებული მობილური ჯგუფი მუშაობს ბინაზე, მძიმე ფსიქიკური აშლილობის მქონე პაციენტებში.

ფუნქციონირებს გადაუდებელი და კრიტიკული მედიცინის დეპარტამენტი, რომელიც აღჭურვილია მობილური ციფრული რენტგენით, პორტატული ექოსკოპიით, ბრონქოსკოპიით.

უწყვეტი სამედიცინო დახმარების მიზნით, სპეციალური საშუალებებით აღჭურვილი სამედიცინო მანქანებით და სპეციალიზირებული საექიმო ბრიგადებით განახლდა სასწრაფო-სამედიცინო დახმარების ავტოპარკი.

კლინიკა ჩართულია სამედიცინო მომსახურების მეორე დონე-



ში. მოსახლეობას აქვს სამედიცინო პროფილით ეფექტური და ხელმისაწვდომი სერვისის მიღების საშუალება. სამშობიარო გათვლილია წლიურ 400 მშობიარეზე, არის რამდენიმე საწარმოო შესაძლო პათოლოგიურ ორსულთათვის, ახალშობილთა ინტენსიური მოვლის პალატა, სამშობიარო აღჭურვილი უახ-

ლესი აპარატურით. აქ არის ყველაფერი, რა მდგომარეობაც შეიძლება გაიაროს ქალმა ორსულობიდან მშობიარობამდე. მშობელი და ჩვილი კლინიკაში ყოფნის პერიოდში უზრუნველყოფილი არიან ჰიგიენური მოვლის საშუალებებით, კვებით...

## ტრადიციული შეხვედრა

2017 წლიდან, ყოველი წლის 17 ივნისს კლინიკა „იმერმედის“ თანამშრომლები განეული მუშაობის შედეგებს აჯამებენ, მომავალზე მსჯელობენ. 2022



წლის 17 ივნისსაც შეიკრიბნენ. შეხვედრა ტრადიციულად „იმერმედის“ დამფუძნებელმა ბატონმა ვლადიმერ კეპულაძემ გახსნა, მან მადლობა გადაუხადა „იმერმედის“ თანამშრომლებს შრომისმოყვარეობისათვის, კვალიფიკაციისათვის, კეთილსინდისიერებისათვის, გაძლებისთვის, მოიყვანა ჯანდაცვის სამინისტროს ექსპერტ-რეანიმატოლოგების კომისიის შემოწმების მასალები, რომ რეანიმაციული ავადმყოფების მართვის მიმართულებით იმერმედი

ენტებს. ციფრები ციფრებია, დამაჯერებელი არგუმენტია, მაგრამ ითქვამს ისიც, რომ ეს ვერ ამსუბუქებს იმ ოჯახების მდგომარეობას, რომლებმაც სამსუხაროდ ახლობლები დაკარგეს.

ღიას, „იმერმედმა“ გაუძლო კოვიდის პერიოდს. აქ, 3765 კოვიდაციენტი ებრძოდა ამ მძიმე დაავადებას. ბევრმა, მომსახურე პერსონალიდან სიკვდილს ჩახედა თვალებში და გამოჯანმრთელებულები კვლავ სამუშაოს უბრუნდებოდნენ... ყოველი გადარჩენილი სიცოცხლე,

სახლში განერილი ავადმყოფი კოვიდცენტრის თანამშრომლებისათვის ნამდვილი ზეიმი იყო, ერთეული მარცხით გამოწვეული ტკივილი დღემდე მოჰყვებათ.

შეხვედრაზე მონვეულ სტუმრებს და „იმერმედის“ თანამშრომლებს მიმართა ცენტრის მთავარმა ექიმმა სოფიო ბუსკივაძემ. იგი მიესალმა, უფრო სწორად, მოეფერა თანამშრომლებს—ანი ვერაფერი დაგვა-მარცხებს, ანი ადვილად გადავალახავთ სირთულეებს. ერთად მუშაობით ჩვენ დავამარცხებთ პანდემიას, უკან დარჩა უმძიმესი პერიოდი. ამაყი ვარ, რომ ამ კოლექტივის წევრი ვარ... დამსწრეთ მიესალმა ექიმი დავით სარიშვილი, მონვეული სტუმარი, ვეტერანთა სახელმწიფო სამსახურის ხელმძღვანელი ბატონი კობა კობალაძე.

ბატონმა ვლადიმერმა „იმერმედის“ თანამშრომლებს: ღიანა ქურციკიძეს, ენვერ აბუანდაძეს, ზაზა მჭედლიშვილს, თეა ასლანიშვილს, ნინა ქოტიადის, ინვა ბუსენაძეს, მალხაზ მაკარიძეს, მანანა კახიძეს, მეგი უფლისაშვილს, ნიკა ზოსიაშვილს, ხათუნა მარგვიანს, ჯუმბერ ვერულაშვილს, ზაზა მეგრულაძეს—კარგი და ნაყოფიერი მუშაობისათვის სამადლობელი სიგელები გადასცა.

## შთამბეჭდავი სამი ციფრი

კლინიკა სრული დატვირთვით მუშაობს. ხუთ წელიწადში სტაციონარული მომსახურება გაენია 19208 პაციენტი, ამბულატორიული 19882 პაციენტი, კლინიკაში იმკურნალა 3765 კოვიდ-პაციენტი. ამ რთულ და შრომატევად საქმეს კლინიკის 345 თანამშრომელი ემსახურება.

## მადლობა ანსამბლ „ივერიისგან“

„იმერმედში“ მკურნალობდა ანსამბლ ივერიის წევრი, მომ-

ღერალი თამაზ ქაჯაია. ბატონი თამაზი ახლა კარგად არის, მძიმედ გადაიტანა კოვიდი, მაგრამ ექიმების ძალისხმევამ შედეგი გამოიღო, რისთვისაც მან და მისმა ივერიელმა მეგობრებმა მადლობა „იმერმედის“ მომსახურე პერსონალს არაერთხელ გადაუხადეს.

\*\*\*

„იმერმედის“ ხუთი წლის იუბილეს, რომელსაც მუხლჩაუხრელი შრომის ხუთი წელი უწოდებს ესწრებოდნენ: თერჯოლა-ტყიბულის მიტროპოლიტი, მეუფე გიორგი (შალამბერიძე), მუნიციპალიტეტის მერი ბატონი ლაშა გოგიაშვილი, მოადგილეები მანუჩარ რობაქიძე, მირზა ქოჩიაშვილი, მუნიციპალიტეტის საკრებულოს თავმჯდომარე ბატონი გიორგი ბარათაშვილი, სხვა მრავალი სტუმარი სხვადასხვა ქალაქებიდან, მუნიციპალიტეტებიდან. აქ იყვნენ ქართული ესტრადის ცნობილი მომღერლები: ვახტანგ ტატიშვილი, ნუგზარ კვაშალი, ნუგზარ ერგემიძე, გურამ ჯაში, ბესო კალანდაძე, თამაზ ქაჯაია, მაკა ქაჯაია, ზურა მანაგაძე, ზურა კობეშვიძე, რომლებმაც თავიანთი, ცნობილი და მონატრებული სიმღერებით გაახალისეს განწყობილება.

\*\*\*

სრული ხუთი წელი გავიდა, რაც „იმერმედი“ მუშაობას შეუდგა. არიან კმაყოფილი პაციენტები, სამადლობელი ნივნიც რამდენჯერმე შეივსო, მაგრამ ცხადია იქნებიან უკმაყოფილონიც—ათასობით პაციენტი არაფერია გამორიცხული.

„იმერმედის“ ლამაზი, კეთილმოწყობილი შენობა სალოცავს გადაწყურებს, აქედან მივაპყროთ მზერა მომავალს...

„იმერმედი“, საზეიმო საღამოს თითოეული წევრი, სრუ-

ლიად საქართველო და მსოფლიო, მეუფე გიორგიმ დალოცა.

## „და აზარფეშამ ფრინველივით გაინავარდა“

ქართული სუფრა არ არის მარტო ღვინის სმაში გაჯიბრება, ქართული სუფრა არის ღვინის, სიმღერა, ლექსის თქმა, იუმორი, თამადა კი—ქართული სუფრის მშვენიერება—უნდა იყოს გონიერი, პატივსაცემი, მჭერმეტყველი, „მელექსე“, სიტყვა-წყლიანი, ლამაზ-ენიანი, მომღერალი, „მსმელი გოლიათიც“. იმაზე თუ რამდენად აკმაყოფილებს ექიმი მამუკა აბულაძე თამადასდამი წაყენებულ მოთხოვნებს, არაფერს ვიტყვი, მაგრამ



„იმერმედელთა“ ყველა სუფრის თამადა რომ არის, ფაქტია. ერთხმად შეისვა მშვიდობის, იმედის, მომავლის, სინამდისა და სისპეტაკის—„თეთრი ხალათის“ სადღეგრძელო და მასპინძლობდნენ იმერმედის ხელმძღვანელები: ბატონი ვლადიმერი და ქალბატონი სოფო, ისინი „ფეხზე იდგნენ“, ყველა სუფრასთან, მის ყველა წევრთან მიდიოდნენ, ეყვებოდნენ და მადლობას უხდოდნენ. მე კი ვიტყვი, რომ პირიქით—მადლობა მათ.

შუშუნა ცხადაძე





# შემაჯამებელი პროექტები საბავშვო ბაგა-ბალებში

ეს ზაფხული არ ჰგავს გასული წლისას, როცა საბავშვო ბალებსა და საჯარო სკოლებში, რიგიანად დამშვიდობება და გზის დალოცვა ვერ მოხერხდა იმ ავადასხსენებელი პანდემიის გამო, რომლის ორწლიანმა ბობოქრობამ მრავალ ლამაზ ნუთსა და ურთიერთსიყვარულის გაცხადებზეც კი უარი ათქმევინა აღმზრდელებსა და აღსაზრდელებს.

ამ მხრივ ნამდვილად გაუმართლა წლებანდელ გამოსაშვებ, ანუ მზაობის ჯგუფებს. მიუხედავად იმისა, რომ ამ ორმა წელმა საგრძნობლად შეაფერხა მათი სასწავლო პროცესები და ექვსი თვეც არ უვლიათ თავიანთ საყვარელ მეორე ოჯახში, პატარა გოგო-ბიჭებმა, ანუ ნორჩმა მოქალაქეებმა და მათმა აღმზრდელებმა მაინც შეუძლებელი შეძლეს.

დიახ, მთელი თვე გრძელდება საინტერესო ღონისძიებები მუნიციპალიტე-

ტის სკოლამდელ დაწესებულებებში. საბავშვო ბაგა-ბალებთან გულისხმიერ და მზრუნველ აღმზრდელებთან მზაობის ჯგუფის აღსაზრდელთა დამშვიდობება ნამდვილ ზეიმად იქცა. ძალისხმევითა და შრომის შედეგი სახეზეა. მიუხედავად ბაღში გატარებული მინიმალური დროისა ერთი მეორეზე უკეთესი პროექტების წარმოდგენა მაინც მოხერხდა და ეს ჩვენი პატარების, მათი აღმზრდელებისა და მშობლების დიდი რუდუნების შედეგია—ამბობს „თერჯოლასთან“ საუბარში სკოლამდელი აღზრდის მუნიციპალური ცენტრის დირექტორი, ქალბატონი მაია თორთლაძე.

„თერჯოლას“ საშუალება ჰქონდა, საბავშვო ბაგა-ბაღის რამდენიმე გამო-საშვებ ზეიმს დასწრებოდა და შთაბეჭდილებებსაც უზიარებს მეითხველებს.

## ვინ დახატავს საქართველოს?..

თერჯოლის №2 საბავშვო ბაგა-ბაღში (დირექტორი ლია გიორგაძე, მეთოდისტი ლალი ფანჩულიძე) დიდი პასუხისმგებლობით ეკიდებიან პატარების, ქვეყნის მომავლი თაობის აღზრდა-განვითარებას და ამის დიდი ტრადიციებიც გააჩნიათ. ეს კიდევ ერთხელ დაადასტურა წლებანდელმა, გამოსაშვები ჯგუფის საზეიმო ღონისძიებაში.

არ შეიძლება გულგრილი დაგტოვოს განსაკუთრებული სილამაზით მორთულმა სცენამ და შესანიშნავ კოსტიუმებში გამოწყობილი გოგო-ბიჭებმა...

ახლა ბაღის მზაობის ორი ჯგუფის 43 აღსაზრდელი მაცურებლებს, მშობლებს, ახლობლებს, სტუმრებსა და თავიანთ აღმზრდელებსაც კი აჩვენებენ თავიანთ შესაძლებლობებს, როგორ გაიზარდნენ, როგორ დაფრთიანდნენ და რომ მზად არიან ახლა სკოლაში გადაინაცვლონ, საყვარელი ბაღი კი მომავალ თაობებს გადაულოცონ...

„ვინ დახატავს საქართველოს?“ ასე ერქვა პროექტს და კითხვას პასუხიც გაეცა, თუმცა იყო სხვადასხვა აქტივობა, რომელსაც აღსაზრდელებმა და აღმზრდელებმა ერთობლივი ძალისხმევით ძალიან კარგად გაართვეს თავი.



ძნელი მისახვედრი არ არის რას ემსახურება ეს თეატრალიზებული წარმოდგენა. მხატვარს, რომელსაც უნდა საქართველო დახატოს, უფრო მეტი სილამაზის ხილვა სურს, ვიდრე ცალ-ცალკე ვაზაფხული, ზაფხული, შემოდგომა ან თუნდაც ზამთარი.

ეს ყველა მათგანის ერთად ყოფნითაა შესაძლებელი. მრავლისმომცველმა სცენარმა, კარგად მომზადებულმა თითოეულმა მონაწილემ, ანუ პატარა „მსახიობებმა“ შეძლეს მაცურებლებთან მიეჭანათ მთავარი სათქმელი. საქართველო ყველამ ერთად მეგობრობით, სიყვარულით, ურ-

ტეს ბავშვებმა. ყველამ ერთად ლექსებით, სიმღერებით თუ ლამაზად შესრულებული ცეკვებით უთხრეს უფროსებს, რომ ჩაიბარებენ, მოუვლიან და გააძლიერებენ სამშობლოს. რომ ის, რაც ვერ შეძლეს უფროსებმა თავად მიხედვენი და ისევ გაბრწყინდება საქართველო.

შთაბეჭდავია თითოეულის მონაწილეობა გამოსაშვებ ზეიმში, ისინი დიდი მონდომებით, სერიოზულობით და გააზრებით აკეთებენ თავიანთ საქმეს.

თუმცა არ შეიძლება არ აღინიშნოს ცეკვა „ქართულის“ შემსრულებლები მართა და მათე კუტალაძეების შესახებ. ძნელად თუ ნახავთ ამ ასაკის ბავშვებისაგან ასეთი „პროფესიონალიზმით“ შესრულებულ ცეკვა „ქართულს“...

საოცარი იყო აგრეთვე მათე კუტალაძის მიერ დოლოზე შესრულებული მუსიკალური ნომერი, ასევე საბა ცხადაძისა და თაკო ბუცხრიკიძის შესრულებული „წუნა და წრუნუნას“ დუეტი...

ზეიმი დასასრულს მიუახლოვდა და პატარებს მადლობა გადაუხადა და გზა დაულოცა ბაღის დირექტორმა ლია გიორგაძემ. მან მადლობა გადაუხადა აღმზრდელებს, მეგი ჯანგიანს და იზაბელა ჭუმბურიძეს, მეგი გოგიაშვილს, თონა

ვერულაშვილს, აღმზრდელის თანაშემწეებს ზოია კობიძეს, ნანა ბუცხრიკიძეს, მაია ჩანთაძეს, ნინო ყვავაძეს, მუსიკის პედაგოგს ქეთევან ჩანთაძეს, ბაღის მთლიან კოლექტივს.

მადლობა გადაუხადა აგრეთვე სკოლამდელი აღზრდის მუნიციპალური ცენტრის და რაიონის ხელმძღვანელებს.

მაია თორთლაძემ ერთგვარად შეაჯამა პატარებისა და აღმზრდელების მიერ წარმოდგენილი პროექტი და აღნიშნა, რომ სახეზეა სასკოლო მზაობა, აღმზრდელებისა და აღსაზრდელების თავდადებული მუშაობის შედეგი... მანვე დალოცა და



თიერთთანადგომით უნდა „დახატოს“! მართლაც საოცარი მეგობრობა დახა-

პატარებს წარმატებები უსურვა ცხოვრების გზაზე...

## „ზღაპრული სამყაროდან გზა ცოდნისაკენ“

ეს ქალაქ თერჯოლის №3 საბავშვო ბაგა-ბაღია. ახალი, თანამედროვე სტანდარტებით აგებული შენობის მოლოდინში ბაღის 42-ე გამოსაშვები ჯგუფის ზეიმი დროებით საცხოვრისში უნდა გაიმართოს... მომცრო დარბაზი ისე ლამაზად მოურთავთ, თავი მართლაც ზღაპრულ სამყაროში გეგონებათ. აი ისინიც: მარიამი, დემეტრე, ქეთი, ოთო, თეკლა, ანდრია, ნიკოლოზი, ვახო, საბა, ნინო, დარი, გაბრიელი, მათე, ზურა, მათე, ილია, გიორგი და ალექსი საზეიმო მუსიკის ფონზე შემოდიან და თავიანთ ადგილებს იკავებენ.

პატარების მიერ სამყაროს შეცნობა ზღაპრებით იწყება. მასში დიდი სიბრძნე და შეგონებებია, დიახ, ზღაპრები, მისი მრავალფეროვანი პერსონაჟები ანუ მთავარი გმირები პატარებს თავიანთ ჯადოსნურ ქვეყანაში ამოგზაურებენ, თავგადასავლებს უზიარებენ და ზღაპრული ამბების თანამონაწილედ ხდიან...

ის საზეიმო ნუთებიც ბავშვებმა საყვარელ პერსონაჟებთან „ნითელქუდასა“ და „კომბლესთან“ ერთად გაატარეს... ერთად შეასრულეს სიმღერები, ლამაზი ცეკვები... სხვადასხვა აქტივობით აჩვენეს, რომ სრულიად მზად არიან სასკოლო ცხოვრებისათვის, რომ აქ გართობა-თამაშთან ერთად მიღებული ცოდნა, ჩამოყალიბებული უნარ-ჩვევები- გაუადვილებთ ცხოვრების ახალ ეტაპს...

კარგად შედგენილმა სცენარმა ყველაფერი დაიტია, იყო ბალთან, საყვარელ აღმზრდელებთან დამშვიდობების ნუთებიც...

ბავშვებს სკოლისაკენ გზას ულოცავენ: ლალი ქარქაშაძე—ბაღის დირექტორი, ქეთევან ჯაბიძე—მეთოდისტი, მაია თორთლაძე—სკოლამდელი აღზრდის მუნიციპალური ცენტრის დირექტორი და სხვები.

ლალი ქარქაშაძემ მადლობა გადაუხადა რაიონის ხელმძღვანელს, ცენტრს განუული დახმარებისთვის, ბაღის ყველა თანამშრომელს, განსაკუთრებით მზაობის ჯგუფის აღმზრდელებს ხათუნა გაბეხაძეს, ნონა ქოჩიაშვილს და აღმზრდელის თანაშემწეებს ნელიკო შეყრილაძეს, მარიკა სახელაშვილს, მუსიკის მასწავლებელს ლია გაგიშვილს, ფსიქოლოგს, ლოგოპედს, სპეცმასწავლებელს ეთერ უკლებას, ი. ჩუბინიძეს, ნინო ლიკლიკაძეს.

გამოსაშვები ჯგუფის ზეიმს ესწრებოდნენ №2 საჯარო სკოლის პედაგოგები მაია აბულაძე და ნონა კუპატაძე... ისინი, ვინც სექტემბრიდან სკოლაში ამ პატარების მასწავლებლები იქნებიან...

და ამით ყველაფერი არ დამთავრებულა.

ბაღმა თავიანთ აღსაზრდელებს განმორების სამახსოვროდ ძალიან შთაბეჭდავი საჩუქრები მოუზადა: სამახსოვრო სერთიფიკატები, დროის კაფსულა, თავიანთი ნამუშევრები და გრაგნილი, სადაც მშობლები თითოეულის სურვილს ამოიკითხავს...

შემდეგ იყო სამახსოვრო სურათების გადაღება და დამშვიდობების, სიყვარულის და მოფერების ცრემლებიც...





# პროექტი „ცხოველთა სამყარო“

ახალი ამოცანების წინაშე დგას სკოლამდელი აღზრდის დაწესებულებები, აქ მომუშავე მუშაკებმა თავი გაართვეს რეფორმებს, მრავალ ცვლილებას, პანდემიის გამო შექმნილ დაბრკოლებებს და შემავალ მრავალმხრივებზე და გამოსაშვები საღამოები მაღალ დონეზე ჩაატარეს, ისე, როგორც წლებების განმავლობაში მივეჩვიეთ.

ღვანუკითის ბაღში (დირექტორი ნინო ლიბრაძე) შერეულ ჯგუფში 28 აღსაზრდელია, 14 წელს სკოლაში შევა. მზაობის ჯგუფი მზადაა, ისინი წლების განმავლობაში ხან თამაშის, ხან სწავლების, თამაშ-სწავლების ფორმით ეუფლებოდნენ პირველდანიებით განათლებას, სკოლისათვის ემზადებოდნენ, აღზრდელ-პედაგოგების დახმარებით თავის გონებრივ შესაძლებლობებს რეალიზაციას უკეთებდნენ, ცოდნას იღებდნენ, მომავალს საფუძველს უყრიდნენ. პატარებს გააზრებული აქვთ, რომ სკოლამდელიდან, ე.წ. „დედობრივი სკოლიდან“ სასკოლო ცხოვრებაში გადასვლა არის ცხოვრების წესის შეცვლა, სერიოზული ფსიქოლოგიური გარდატეხა, იციან, რომ მათ წინაშე დასახული ამოცანები იცვლება, მეტ ყურადღებას უთმობენ ძიებას, ფიქრს, აზროვნებას, რაც კარგად გამოვლინდა პროექტის-„ცხოველთა სამყარო“ წარმოდგენისას, რომელიც აღზრდელ-პედაგოგმა ნატო რო-

გაითამაშეს. ერთკუზიანი აქლემი 110 ლიტრ წყალს სვამს 10 წუთში, დათვი 45 წელს ცოცხლობს. ზამთარში ძილს ეძლევა, შეიძლება 6 თვეც კი, მაიმუნებიდან ყველაზე დიდია გიბონი, ზოგიერთს ჟესტების ენით შეუძლია ლაპარაკი, დილაობით დაახლოებით ნახევარი საათი მღერიან თავიანთი ტერიტორიის მოსანიშნად, ჟირაფს 24 საათში მხოლოდ ნახევარი საათი სძინავს, მისი ნაშიერი ბოჟიკია.

**სცენა და რესურსი**  
ბაგა-ბაღის სცენა ნამდვილ ცხოველთა სამყაროს ჰგავდა, მრავალი რესურსი და პატარების მიერ განსახიერებელი „ცხოველები“ საინტერესო სახეობები იყო. პატარებმა იციან, რომ ცხოველები ცოცხალ არსებებია ერთ-ერთი ძირითადი სამეფოა, რომ მათ დიდი მნიშვნელობა აქვთ ადამიანთა ცხოვრებაში, რომ ადამიანები ზოგჯერ არასწორად ერევიან ბუნებრივ პროცესებში, რითაც ნადგურდება ცხოველთა მრავალი სახეობა, საუბარი იყო

ლონისძიებს ესწრებოდნენ: სკოლამდელი აღზრდის მუნიციპალური ცენტრის ხელმძღვანელი მაია თორთლაძე და სხვა თანამშრომლები, მერის წარმომადგენელი სოფელში ტარიელ კუბლაშვილი, სკოლის დირექტორი ინგა ჯალიაშვილი, პედაგოგი ცირა მურჯიკელი, რომელიც ამ გამოშვების პირველი მასწავლებელი იქნება, აქ მრავალად იყვნენ მშობლები, მონვეული სტუმრები, მუნიციპალიტეტის ბაგა-ბაღების მეთოდისტები. მაია თორთლაძემ, მეთოდისტმა დალი სოფრომაძემ და ბაგა-ბაღის მეთოდისტმა შეაფასეს პროექტი, აღინიშნა, რომ იგი კარგად იყო მომზადებული, მიზანი მიღწეული, აღსაზრდელთა გამოავლინეს მზაობა სკოლისათვის, მშობლებმა კმაყოფილება გამოთქვეს შვილების მომზადების დონის გამო და მაღლობა გადაუხადეს აღზრდელ-პედაგოგებს.

ლონისძიება შეაჯამა ბაღის დირექტორმა ნინო ლიბრაძემ,



ბაქიძემ მოამზადა. პროექტში ყველა აღსაზრდელი დაკავებული იყო, ყველას ჰქონდა თავისი „როლი“, დასმულ შეკითხვებს ერთი, წინასწარ მომზადებული ბავშვი კი არ პასუხობდა, არამედ ადვილი მისახვედრი იყო, რომ კითხვებზე პასუხი ყველამ იცოდა, ზოგჯერ „ვერ ითმენდნენ“, ერთდროული პასუხებიც მოვისმინეთ. დაახლოებით, თუმცა რატომ დაახლოებით, დავითვალე და ოთხმოცი კითხვა დაისვა, პედაგოგმა ყველა კითხვაზე სრულყოფილი და ამომწურავი პასუხი მიიღო.

ცხოველთა მეფე ლომი, სპილოები, ვეფხვები, აქლემი, დათვები, მაიმუნები, ზებრები, ჟირაფები და მათი ოჯახები, როგორც ცხოველები, სად ცხოვრობენ, რით იკვებებიან, როგორ იჭერენ მსხვერპლს, რომელს რა სარგებლობა მოაქვს. ლომების ოჯახი პრაიდი ყოფილა, პრაიდის მთავარი მონადირე ძუ ლომებია, 3 წლისას ეზრდებათ ფაფარი, ტერიტორიას ხვადები იცავენ. ყველაზე მოხუცი დედალი სპილო ჯოჯის მეთაურია, აქვს მოკლე ყელი და გრძელი ხორთუმი, სპილოს ძვალი და ეშვები ძვირფასია. ვეფხვი საათში 97 კმ. გადის, მსხვერპლს სასუნთქ გზებს უკეტავს (ეს და ყველა სცენა ბავშვებმა კარგად

ცხოველთა დაცვის ლონისძიებებზე, უარყოფითად შეაფასეს ტყეების განადგურების პროცესი, ისაუბრეს ველურ ბუნებაზე, საკვების მოსაპოვებლად ძლიერისა და სუსტის ბრძოლაზე, ერთმანეთის განადგურების საკითხზე. პატარებმა ამოიცნეს პედაგოგის მიერ ნაჩვენები ცხოველთა სურათები, მ.შ. „ზედმეტი“ შინაური ცხოველი, ისაუბრეს სავანაზე—ტროპიკული და სუბტროპიკული მცენარეების ტიპებზე, მაღალი და დაბალი ხეების მონაცვლეობაზე...

პროექტის მსვლელობისას საუბარი არ იყო მარტო ცხოველებზე და მათ სამეფოზე, იყო ისეთი ჩართულობები, რითაც გამოამჟღავნეს ცოდნა ქართულში, არითმეტიკაში, მათ მოქმედებებს სპექტაკლის სახე ჰქონდა, ხელს უწყობდათ ჩაცმულობა, რაც ლონისძიების მოწყობაში მშობელთა აქტიური მონაწილეობის მანიშნებელი იყო.

აღზრდელ პედაგოგებს ლონისძიების მოწყობაში ეხმარებოდნენ: მორე ცვლის აღზრდელი მადონა ცხადაძე, აღზრდელის დამხმარე მერი კობიაშვილი, მეთოდისტი თეა ქემოკლიძე, მუსიკის პედაგოგი ირინა რობაქიძე.

მან მაღლობა გადაუხადა სკოლამდელი აღზრდის მუნიციპალური ცენტრის ხელმძღვანელს და თანამშრომლებს თანადგომისათვის, ბაგა-ბაღი აღზრდელ-პედაგოგებს და სხვა თანამშრომლებს. გადაიღეს სამახსოვრო ფოტოები, დაურიგდათ ალბომები, რომელიც ასახავს ბაგა-ბაღში გატარებულ წლებს...

კიდევ ერთხელ მიულოცეს გამარჯვება ბაგა-ბაღის მეთოდისტს თეა ქემოკლიძეს, რომელმაც ბათუმში შოთა რუსთაველის სახელობის სახელმწიფო უნივერსიტეტში გამართულ პირველ საერთაშორისო კონფერენციაზე—„ადრეული განათლება და ზრუნვა“ წარდგინილი თემისათვის „თამაში და სწავლა“ მიიღო სერთიფიკატი „საუკეთესო პრეზენტატორი“ და „მწვანე ჯილდო 2022“.

ჩვენც ვულოცავთ. მისი ხელი ნამდვილად ეტყობა ბაღს. მაია თორთლაძის თქმით—ნატო რობაქიძისაგან კი ყოველთვის მოელის სიახლეს, ინოვაციური სწავლების მეთოდის გამოყენებას, ბავშვების სკოლისათვის მომზადების პრობლემების სწორ გადაწყვეტას.

შუშუნა ცხადაძე

# პრემიერა შედგა... მიზანი მიღწეულია

კიდევ ერთი დღე მოსწავლე-ახალგაზრდობის მუნიციპალური ცენტრში: პატარების მხატვრული კითხვის კლუბის „ნეკას“ წლის შემაჯამებელი აქტივობა და არც მეტი, არც ნაკლები, წარმოდგენილი სპექტაკლის პრემიერა.

იენისის იმ ლამაზ დღეს გივი ჭიჭინაძის პიესის „იისფერას“ მიხედვით დადგმული სპექტაკლით მასპინძლობდა მოსწავლე-ახალგაზრდობის ცენტრის დარბაზში შეკრებილ საზოგადოებას კლუბი „ნეკა“.

ბუნებრივია იყო თანმდევი სირთულეები, ღელვა... თუმცა კლუბის კოორდინატორის სათანადო გამოცდილებისა და მაღალი პასუხისმგებლობის მქონე ქალბატონის ლალა კუპატაძის მიერ აღსაზრდელთაგან განუელმა მუშაობამ აჩვენა, რომ მიზნის მიღწევა ყოველთვის შესაძლებელია, თანაც სულ პატარებთან.

მაყურებლები ლამაზი მოსაწვევებით მოიპატიჟეს...



სპექტაკლის პრემიერაზე მობრძანდნენ: სულ პატარა ციციქანა გოგო-ბიჭები, საბავშვო ბაღების აღსაზრდელები, იყვნენ მშობლები, ბებია-ბაბუები, საზოგადოების წარმომადგენლები, ერთი სიტყვით იყო სხვადასხვა თაობის მაყურებელი...

ფარდა გაიხსნა ლამაზი მუსიკის ფონზე და იქვე გაჩნდა ნიშანი სპექტაკლის წარმატებისა. კარგად შერჩეულია დეკორაციები და მონაწილე პერსონაჟების განლაგება... ეს ის შემთხვევა იყო, დუმილიც რომ „საუბრობს“ ძალიან მიზნობრივად...

აუცილებლად უნდა გაგაცნოთ მოქმედი პირნი და შემსრულებლები.

იისფერა—მარიამ კუბლაშვილი—12 წლის, სამი ლაბუა—5 წლის ანამარია ამირანაშვილი, 5 წლის მარიამ ჩუბინიძე და 10 წლის ლილე კუბლაშვილი, კატა—ლალა მაკარიძე 12 წლის, თეზი—მართა მაკარიძე 11 წლის, ყვავილი—მარიამ ქარქაშაძე 7 წლის, ყვავილი—მარიამ მაკარიძე 4 წლის, გენერალი —დაჩი საყვარელიძე 6 წლის.

დიახ, სპექტაკლში მონაწილე „მსახიობები“ ყველაზე დიდი 12 წლის, ხოლო ყველაზე პატარა 4 წლისაა... თუმცა ვასაოცარი მონდომებითა და შესაძლებლობებით თითოეულმა საუკეთესოდ გაართვა თავი თავიანთ როლს...

დიახ, იმ დღეს ბავშვები თამაშობდნენ ბავშვებისათვის და თამაშობდნენ უფროსებისათვისაც.

სპექტაკლის ფაბულა, რომ თანადგომა, მეგობრობა, სიყვარული და სიკეთის კეთება, აუცილებელია და ყველა დაბრკოლება ამით გადაილახება პატარა მსახიობებმა თავადაც გაიარეს ძალიან კარგად და მაყურებლებსაც გადასცეს, რომ ყველანაირი ბოროტების დასამარცხებლად სულ პატარა სიკეთის მარცვალიც კი საკ-



მარისია... წარმოდგენილ სპექტაკლის პრემიერას მუნიციპალიტეტის მერი ლაშა გოგიაშვილი მოადგილესთან, მირზა ქოჩიაშვილთან ერთად დაესწრო. მან მაღლობა გადაუხადა მოსწავლე-ახალგაზრდობის ცენტრს, კლუბ „ნეკას“ პედაგოგსა და სპექტაკლის თითოეულ მონაწილეს და წარმატებები უსურვა მომავალში.

მოსწავლე-ახალგაზრდობის ცენტრის დირექტორმა ნინო ოქრუაძემ მაღლობა გადაუხადა სპექტაკლის თითოეულ მონაწილეს, კლუბის კოორდინატორს და ცენტრის კოლექტივს, რომლებიც ერთმანეთს აქტიურად უდგანან გვერდით, მანვე მაღლობა გადაუხადა სტუმრებს და რაიონის ხელმძღვანელებს.

გიზა ციციქანიძე



# „ვეფხისტყაოსანი“ მიუნდომელიც და მისწავლომიც...

„ვეფხისტყაოსანი“ გვირგვინია ქართული პოეტური კულტურის. მისმა ავტორმა, დიდმა შოთა რუსთაველმა გამოხატა ქართველი ხალხის საუკეთესო სულიერი ზრახვანი, საუკეთესო იდეალები: გმირ-



ბა, ვაჟკაცობა, ძმობა-მეგობრობა, ხალხთა მშვიდობიანი თანამეზობლობა და თანამშრომლობა, სამშობლოს უანგარო სიყვარული, ამაღლებული მიჯნურობა, მანდილოსნის პატივისცემა, სიმართლისათვის თავდადებული სამსახური. „ვეფხისტყაოსნის“ მთავარი გმირების ტარიელის, ავთანდილის, ფრიდონის სახით რუსთაველი აიდილებს სარანდო-სავაჟკაცო თვისებებს, ნესტანი და თინათინი ანსახიერებენ გარეგნული სილამაზის, ზნეობრივი სიფაქიზის, გონიერების სამაგალითო თვისებებს. ნესტანი იმორჩილებს თავის გრძობებს და ტარიელისადმი მიწერილ წერილში თხოვს მას არა მის დახსნას, არამედ განსაცდელში მყოფი სამშობლოს დახმარებას. თინათინი სამი წლით „თმობს“ სატროს და უცხო მოყმის საძებნელად უშვებს, მერე კი ნესტან-დარეჯანის დასახსნელად. „ჭირსა შიგან გამაგრება ასრე უნდა, ვით ქვითკირსაო“, მაგრამ აღიარებულია ისიც, რომ ცალკე პიროვნება უძლურია გამარჯვების მოსაპოვებლად, როგორც ძლიერი და მამაცი უნდა იყოს, რომ გამარჯვების საწინდარი სოლიდარობა, ძმობა, მეგობრობა, სიყვარული. უკეთესობილესი მიზნით გაერთიანებული სამი შესანიშნავი მეგობარი საბედნიეროდ ბრწყინვალე გამარჯვებას აღწევს, მათი ძმობა-მეგობრობა მათი ხალხების მეგობრობაში გადაიზარდა.

„ვეფხისტყაოსნის“ მაგალითზე უნდა გაიზარდოს თა-



ობები. ამ მაგალითის ათვისება სკოლაში იწყება. არ შეიძლება, სიღრმისეულად შეისწავლო ეს გენიალური ნაწარმოები და არ დაგეხმაროს იგი სულის გაკეთილშობილებაში, არ შეიძლება არ მიბაძო მათ გმირებს. კერძო სკოლა „მზეკაბანის“

X კლასში ათი მოსწავლე სწავლობს, ათივე საუკეთესო და გამორჩეული სწავლით, ყოფაცქევით, ერთმანეთისადმი სიყვარულით და პატივისცემით, მათ ახლახან დაამთავრეს „ვეფხისტყაოსნის“ გაკვეთილები, ღრმად შეისწავლეს, სამაგლო წიგნად გადააქციეს. ამ დღეებში გამართულ ღონისძიებაზე, სადაც წარმოადგინეს „ვეფხისტყაოსანი“ როგორც სპექტაკლი, ეს ნათლად გამოჩნდა, მოსწავლეებმა ზეპირად იციან ნაწარმოების დიდი ნაწილი, თან კითხულობენ მხატვრულად, განცდით და არტისტიზმით. დიდი იყო ნაწარმოების შესწავლის ინტერესი, მოიხიბლნენ მისი ღირებულებებით, ქართული ენისა და ლიტერატურის მასწავლებლის მანანა წერეთლის „ვეფხისტყაოსნისადმი“ დამოკიდებულებით, მან ხომ თითქმის ზეპირად იცის იგი. „ვეფხისტყაოსნის“ შესწავლის ინტერესი იმანაც გააძლიერა, რომ მიიღეს გადაწყვეტილება სცენაზე გაეცოცხლებინათ მისი გმირები, რამდენადაც მიუნდომელია „ვეფხისტყა-



ოსნის“ სიმაღლე, იმდენად მისწავლომი გახდა „მზეკაბანის“ მე-10 კლასის ათივე მოსწავლისათვის „ვეფხისტყაოსნის“ ცოდნა. ისინი ცდილობდნენ გაეცოცხლებინათ „ვეფხისტყაოსნის“ გმირები და ცხოვრებაშიც მიბაძვენ იმათ, რომელიც განასახიერეს, გაუძლებენ ჭირსაც, გამოიმუშავენ ნებისყოფის სიმტკიცეს, ძალას, ვაჟკაცურ ხასიათს, ისწავლიან ქალთა პატივისცემას და ამაღლებულ სიყვარულს. ადვილად გადალახავენ დაბრკოლებას, მათ ხომ ზეპირად იციან „მამა ლხინსა ვინ მოიმკის, პირველ ჭირთა უმუშაკო“, „ყოლა ლხინთა ვერ იამებს კაცი ჭირთა გარდუხდე-

ლი“...  
**ლონისძიება უნდა გასცდეს სკოლას...**  
„სიბრძნის, სიყვარულის, სილამაზისა და ქართული გენის ზეობა“—ასე შეფასდა „მზეკა-

ბანელების“ მიერ წარმოდგენილი ლიტერატურული სპექტაკლი, სადაც X კლასელებმა განასახიერეს „ვეფხისტყაოსნის“ გმირები. მშობლებმა, მონვეულმა სტუმრებმა სათქმელი ასე გამოხატეს—ძნელია სიტყვაში ჩაატიო ის ემოცია, რომელიც ამ ლიტერატურულმა სპექტაკლმა განგვაცდევინა. ქალბატონმა მანანამ და მონანილებმა სულ სხვა განზომილებაში გადაგვიყვანეს. კიდევ ერთხელ დაგვარწმუნეს ქართული გენის უნიკალურობასა და უკვდავებაში. ეს ბავშვები და ქალბატონი მანანა მთელ საქართველოს უნდა აჩვენოთ. სპექტაკლის მონაწილეებმა კიდევ ერთხელ დაგვარწმუნეს, რომ შოთა რუსთაველი და მისი „ვეფხისტყაოსანი“ არის მსოფლიო ლიტერატურის მწვერვალი.  
მართლაც ძნელია შეაფასო და აღწერო ეს ღონისძიება, რომ მკითხველს სრული წარმოდგენა შეექმნას თუ როგორ იყო იგი—სპექტაკლი უნდა ნახო, სპექტაკლი უნდა გასცდეს სკოლას...



**როლები და შემსრულებლები**  
ტარიელი—ვახტანგ პატარიძე, ნესტან-დარეჯანი—მარიამ მაკარიძე, თინათინი—ნინო მაჭარაშვილი, ავთანდილი—ამიკო მაკარიძე, ასმათი—ანა კუბლაშვილი, ფრიდონი—საბა ცერცვაძე, ფატმანი—ლიზი ნეფარიძე. მაცურებელი მოხიბლა დეკლამატორებმა—მარიამ პერანიძემ, გვანცა ქარქაშაძემ, მარიამ გენაძემ.  
ნაკითხულ იქნა და სპექტაკლს შესანიშნავად მოერგო მანანა წერეთლის საუკეთესო ლექსები.  
მუსიკალურმა ფონმა, სლაიდებმა კიდევ უფრო მშვენიერი გახადა სპექტაკლი.  
ლონისძიებას ესწრებოდნენ: მამა ქრისტეფორე, საგანმანათლებლო რესურსცენტრის ხელმძღვანელი ქეთევან შეყრილაძე, საჯარო სკოლების დირექტორების, პედაგოგების ერთი ნაწილი, გამოგვყვარნენ, რომ მასწავლებელი მართლაც არის ცენტრალური ფიგურა, სწორედ მან უნდა მისცეს სწორი მიმართულება მოზარდის მოუთოკავ ენერჯიას, რომ სწავლა არის მძიმე, ძნელი, ხანგრძლივი, მაგრამ უაღრესად საჭირო შრომა, რომ სწავლა მოსწავლის განსაკუთრებული დანიშნულება...

# პოეზიის საღამო— გალაკტიონი და ტერენტი

პოეზიის საღამო, რომელიც თერჯოლის №1 საჯარო სკოლის (დირექტორი ელისო მურადაშვილი) მე-6 კლასის (ქართულის ენისა და ლიტერატურის მასწავლებელი თამარ ამირანაშვილი, კლასის დამრიგებელი ანნა მემანიშვილი) მოსწავლეებმა გამართეს ჩხარის №1 საჯარო სკოლის სხდომათა დარბაზში, ნამდვილ დღე-



სასწაულად იქცა. გაერთიანებული იყო ერთი თაობის, თითქმის ერთი ასაკის ორი უდიდესი პოეტი, ერთმანეთისაგან განსხვავებული პოეზიით, ცხოვრებით, მაგრამ მსგავსი პირადი ტრაგედიით „არა სიცოცხლე, არა სიკვდილი, არამედ რაღაც სხვა“—ამბობდა ტერენტი, „გულში მწუხარებამ ღამე გაათია“—ამბობდა გალაკტიონი.  
მოსწავლეებით, მოსწავლეთა მშობლებით, პედაგოგებით, მონვეული სტუმრებით სავსე დარბაზში ღონისძიების მთელ მანძილზე, სიჩუმე იდგა, ყველა სულგანაბრული უსმენდა საოცარი პოეზიის ბრწყინვალე ნიმუშებს, გაჯერებულს თეატრალური ელემენტებით.

## რა თქვა „შავმა ანგელოზმა“

პოეზიის საღამო გალაკტიონისადმი მიძღვნილი შოთა ნიშნიანის „ლეგენდა“-მ გახსნა. სამი ანგელოზის მსჯელობა „როგორ დავბადოთ კაცი ყველაზე ბედნიერიც და უბედურიც“ შავი ანგელოზის „გამარჯვებით“ დამთავრდა. იმ ღამეს გალაკტიონ ტაბიძე დაიბადა—კაცი, მართლაც „ბედნიერიც და უბედურიც“. ტერენტი გრანელს კი თავისავე წინასწარმეტყველება აუხდა—მოკვდა ღამით. პანაშვიდი გადაუხადა მღვდელმა, რომელმაც არ იცოდა მისი დაფერფლილი სულის ისტორია და ნაკითხული არ ჰქონდა მისი სისხლიანი წიგნი, პირველი მიწა მიაყარა ვინმე უხეშმა მესაფლავემ...

## მხოლოდ ერთი კლასი...

მე-6 კლასში 24 მოსწავლე სწავლობს. პოეზიის საღამოს მიმდინარეობაში ყველა იღებდა მონაწილეობას, თანაბრად იყვნენ „დატვირთულნი“, ლექსების კითხვისას დაცული იყო ინტონაცია—მეტყველების რიტმულ მელოდიური წყობა, ხმის ანეკ-დანევის მეთოდი მსმენელს იმასაც აფიქრებინებდა, რომ რაღაც შეეშალათ, მაგრამ არა, აქ ყველა მოსწავლე მომზადებული იყო და ნაყოფიერი მუშაობის კვალი ეტყობოდათ. მოსწავლეები კარგად იცნობენ პოეტების ბიოგრაფიას, შემოქმედებას, ზეპირად იციან მათი ლექსები. „მთანმინდის მოვარე“, ცნობილი და ერთ-ერთი საუკეთესო ლექსი, მეექვსეკლასელებს არ ნაუკითხავთ, საბედნიეროდ არის შემორჩენილი გალაკტიონის ხმის ჩანაწერი, სწორედ მას მოუუსმინეთ და „რომ მეფე ვარ და მგოსანი“, რომ „არასდროს არ შობილა მოვარე ასე წყნარი“...

ლონისძიებას ესწრებოდნენ: მუნიციპალიტეტის მერის პირველი მოადგილე მანუჩარ რობაქიძე, მოადგილე მირზა ქონიაშვილი, საკრებულოს თავმჯდომარე გიორგი ბარათაშვილი, თავმჯდომარის მოადგილე ჯემალ ისაკაძე, განათლების რესურსცენტრის ხელმძღვანელი ქეთევან შეყრილაძე, საჯარო სკოლების დირექტორების, პედაგოგების ერთი ნაწილი. მათ მაღალი შეფასება მისცეს ღონისძიებას, ხაზი გაუსვეს საგნის მასწავლებლის თამარ ამირანაშვილის და კლასის დამრიგებლის ანნა მემანიშვილის ერთობლივი მუშაობის მნიშვნელობას, რომ განათლება არის გზა თანამედროვე



განვითარებულ სამყაროში, რომ ჩვენი მომავალი, განსწავლულობა და წიგნიერება ასეთი ღონისძიებებითაც არის შესაძლებელი.  
ლამაზი ღონისძიება იყო, დასამახსოვრებელი.

გვერდის ავტორი  
შუშუნა ცხაღაძე



### 23 ივნისს ოლიმპიზმის საერთაშორისო დღეს...

საერთაშორისო ოლიმპიური კომიტეტის გადაწყვეტილებით, 23 ივნისი—მსოფლიოში ოლიმპიადის საერთაშორისო დღე ყოველწლიურად 1948 წლიდან აღინიშნება.

ეს დღე თერჯოლის მუნიციპალიტეტში, ტრადიციული მარათონული გარბენითა და სხვადასხვა სპორტული აქტივობებით აღინიშნა.

ამ დღისადმი მიძღვნილი ღონისძიებები, რომლებიც მარათონულ გარბენსა და ქადრაკში ჩატარდა, მუნიციპალიტეტის მერი, ლაშა გოგიაშვილი, მოადგილეებთან, მანუჩარ რობაქიძესთან, მირზა ქოჩიაშვილთან და საკრებულოს წევრებთან ერთად შეუერთდა.

მარათონის გამარჯვებულებს სპეციალური სიგელები და სიმბოლური საჩუქრები გადაეცათ.

ქადრაკში კი სპორტის დამსახურებული პედაგოგის, კოტე ჩარეიშვილის სახელობის ჩემპიონატი ჩატარდა, რომელიც მიზნად ისახავს ქადრაკის პოპულარიზაციასა და საუკეთესო მონაწილის გამოვლენას.

ტურნირის გამარჯვებულებს ფულადი თანხა და სპეციალურის სიგელები გადაეცათ.

ოლიმპიზმის საერთაშორისო დღისადმი მიძღვნილი აქტივობები, თერჯოლის მუნიციპალიტეტის მერიის, განათლების, კულტურის სპორტისა და ახალგაზრდულ საქმეთა სამსახურის ორგანიზებით განხორციელდა.

### „მობილური იუსტიციის სახლის“ ორი ახალი მისამართი...

იუსტიციის სამინისტროს ინიციატივით პროექტში „მობილური იუსტიციის სახლი“, თერჯოლის მუნიციპალიტეტის ორი სოფელი ბარდუბანი და ძვერი ჩაერთო.

„მობილური იუსტიციის სახლი“ მოქალაქეებს 450 მომსახურებას სთავაზობს და ყველა ამ სერვისით სარგებლობა უკვე იმ სოფლებშიც შეიძლება, სადაც საზოგადოებრივი ცენტრები არ ფუნქციონირებს.

ამ მიზნით სპეციალური ავტოსატრანსპორტო საშუალებები, რომლებიც დაკომპლექტებულია ყველა საჭირო ადამიანური თუ ტექნიკური რესურსით, რეგულარულად ესტუმრებიან თერჯოლის მუნიციპალიტეტის ორ სოფელს.

„მობილური იუსტიციის სახლი“ სოფელ ბარდუბანსა და ძვერში, წინასწარი განსაზღვრული დროით, შესაბამის ლოკაციაზე განთავსდება.

**ბარდუბანის ადმინისტრაციული ერთეული**  
**ადმინისტრაციული შენობის მიმდებარე ტერიტორია**  
**ოთხშაბათი-10:00 -17:00 საათი**  
**ძვერის ადმინისტრაციული ერთეული**  
**სოფლის ცენტრი**  
**ხუთშაბათი-10:00 -17:00 საათი**

პროექტის ფარგლებში, მოქალაქეებს შესაძლებლობა მიეცემათ, ადგილზე, სოფელშივე მიიღონ ყველა ის სერვისი, რისთვისაც ადრე სხვა მუნიციპალურ ცენტრებში უხდებოდათ გამგზავრება. ისინი არა თუ დაზოგავენ ხარჯებს, არამედ დროულად მოანესრიგებენ მათთვის საჭირო დოკუმენტაციას (აილოს და შეცვალოს პირადობის დამადასტურებელი დოკუმენტები, დროულად განახორციელოს ქონების რეგისტრაცია, ისარგებლოს სახელმწიფოს მიერ შეთავაზებული აქციებითა თუ სხვა სერვისით).

„მობილური იუსტიციის სახლის“ სხვადასხვა სერვისებით სარგებლობის შესაძლებლობა ადგილობრივებს მანამდე ექნებათ, ვიდრე ამის საჭიროება იქნება.



### სასურველი წვიმები, არასასურველი შედეგებით...

გვარიანად უშხაპუნა დალოცვილმა. დღის შემანუხებელი ხვატი საამო სიგრილემ და მინის სურნელმა შეცვალა, მინისა, რომლის სურნელის შეგრძნება აგრე ძალუმად რომ გვაქვს ჩვენ, სოფლად მცხოვრებთ.

ჩვენ ვიცით მისი ფასი...



მეზობელი მეზობელს გადაუცხებს ხოლმე... ერთბაშად შემოდის სიცოცხლის სინათლე შინ და გარეთ...

მაგრამ...

ზაფხულის წვიმა, აგრერიგად რომ ვნატრულობთ ხოლმე ჩვენს სოფლებში, ზოგჯერ მნიშვნელოვანი ზარალის მომტანცაა. ასე

იყო 31 მაისსაც და ახლაც—ივნისის მეორე-მესამე დეკადაში. როგორც პირველ ისე მეორე შემთხვევაში, უხვი ნალექების მოსვლით მუნიციპალიტეტში ბევრგან დაიტბორა სასოფლო-სამეურნეო კულტურები, დაზიანდა ცალკეული ინფრასტრუქტურული ობიექტები, ივნისის წვიმებით გამოწვეულმა წყალდიდობებმა კი მნიშვნელოვნად დააზარალა როგორც იმერეთის, ისე სამეგრელოს მთელი რიგი რაიონები.



### მეზვრისა და ზვრის „საუბრის“ მოკლე ჩანაწერი

მე, მეზვრე-მევენახეს საზრუნავ-საფიქრალს რა დამიღევს—რამდენი ღამე თეთრად მითევია...

რიჟრაჟზე ფეხზე წამოვმდგარვარ, ცაზე ამიხედავს დილა-უთენია...

შენ ისევე მეძახი, მიხმობ, ხვეწნას ვეღარ მორჩი.

დახნულ-დაბარულ-დათოხნილ-გამორჩილს ხელახლა მიხდები ასაკრავ-გასამორჩი.

რა გიყო, ვერ გთმობ, ვერ გტოვებ მარტოსულს.

ღმერთისგან ნაჩუქარს, მზის საგალობელს მინაზე ლოცვად გარდმოსულს.

დღითა და ღამით თავს დაგკანკალებ.

ცივ სიოს არ ვაკარებ.

სულ მინდა გეფერო...

ახლა შენც მითხარი შენი სათქმელი

გისმენ—

ბებერო!

ზვარი—ჩემთან სიბერეს რა ხელი აქვს, როცა ქარვის მტევნები ჰკიდიან.

როცა მახარებს მზის საგალობელი,

„მრავალჟამიერი“ და „ჩაკრული“.

შენ ჩემო თვალის სინათლევ,

მალალი ღმერთის ნათლულო!...

*ჩემო მამულო, დიდება შენდა,  
შენი ვაზის და შენი მეზვრისა,  
ბედნიერი ვარ შენთვის გარჯა და  
შენს სიახლოვეს ყოფნა მეღირსა!...*

ჩაინერა ნუზზარ გამყრელიძე



### მადლობა ექიმებს, მე გადავრჩი!

ვარ 86 წლის, მიმდინარე წლის 16 მაისს, გავხდი ძალიან ცუდად (გონების დაკარგვამდე), დარეკეს 112-ში და რამოდენიმე წუთში მოვიდა თერჯოლის სასწრაფო დახმარების ეკიპაჟი (ექიმი სოფიკო ჯუღელი). ადგილზე განუხლები დახმარების შემდეგ ექიმმა საჭიროდ ჩათვალა ჩემი გადაყვანა სტაციონარში და ასე მოვხვდი თერჯოლის ევექსის მიმღების განყოფილებაში, მორიგე ექიმ ბატონ ლევან კვატაიასთან, რომელმაც ადგილზე განუხლები დახმარების შემდეგ, ჩათვალა საჭიროდ, კატასტროფის ბრიგადის დახმარებით, მისთვის საეჭვო დიაგნოზის დასმის დასაზუსტებლად, ჩემი ქუთაისში სასწრაფოდ გადაყვანა. ასე მოვხვდი ქუთაისის ჰოსპიტალ სერვისის ჯერ რეანიმაციის განყოფილებაში, სადაც ოპერატიული ჩარევის შემდეგ დადგინდა კუჭის წყლული, ოთხი დღის შემ-

დეგ გადამიყვანეს თერაპიულ განყოფილებაში. დიდი მადლობა სასწრაფო სამედიცინო ბრიგადას, ექიმ სოფო ჯუღელს, თერჯოლის ევექსის კლინიკის მიმღებ განყოფილების მორიგე ექიმს ბატონ ლევან კვატაიას, დამხმარე პერსონალს, კატასტროფის მომსახურე პერსონალს, ქუთაისის ჰოსპიტალ ცენტრის რეანიმაციის განყოფილების ექიმ ბატონ რაჟდენ ჯანელიძეს და თერაპიული განყოფილების ექიმ ბატონ ავთანდილ რუხაძეს კვალიფიციური სამედიცინო დახმარებისათვის. დამხმარე პერსონალს პირადად ჩემთვის და ჩემს გვერდით მწოლარე ავადმყოფთა მიმართ კეთილი და ყურადღებიანი სამედიცინო დახმარების განევისათვის.

ნაირა ჩინჩალაძე,  
თერჯოლა

სოფელ ზედა სიმონეთის ადმინისტრაციულ ერთეულში მერის წარმომადგენელი ზვიად ბაზაძე, წარმომადგენლის ასისტენტები შორენა გვენეტაძე და დავით თორთლაძე ღრმა მწუხარებას გამოთქვამენ ამავე სოფლის საექიმო ამბულატორიის დამსახურებული ექთნის, სამაგალითო ქალბატონის

**ლელა გიორგაძის**  
გარდაცვალების გამო და მწუხარებაში თანაუგრძნობენ ოჯახსა და ახლობლებს.



# „ქართული კინო თაობებს აერთიანებს“...

თერჯოლის მოსწავლე-ახალგაზრდობის სოციალური დაცვის, მოქალაქეობრივი და ესთეტიკური აღზრდის მუნიციპალური ცენტრის ორგანიზებით ცენტრის სააქტო დარბაზში გაიმართა ინტელექტუალური თამაში „ქართული კინო თაობებს აერთიანებს“.

ინტელექტუალური თამაში, რომლის მიზანია ქართული კინოს პოპულარიზაცია და თაობათა შორის კავშირის განმტკიცების ხელშეწყობა, ცენტრის ინტელექტუალური კლუბის „უხილავი ხილულის“ (კოორდინატორი ლეილა სირაძე) და კინოკლუბის (კოორდინატორი ანა რობაქიძე) ინიციატივით ჩატარდა. თამაშში მონაწილეობისათვის მონვეული იყვნენ თერჯოლის მუნიციპალიტეტის მერია, მუნიციპალიტეტის საკრებულო, საოლქო-საარჩევნო კომისია, ა(ა)იპ-ის

ნიძის და ზურა ჩიტიძის შემადგენლობით.

2. თერჯოლის მუნიციპალიტეტის საკრებულო: დავით გოგბერაშვილის, ჯემალ ისაკაძის, ანი ჭუმბურიძის, ვიტალი ისაკაძის, ომარ ჯიხვაშვილის, ზურაბ ბარათაშვილის შემადგენლობით.

3. მალხაზ ბუცხრიკიძის სახელობის ალისუბნის №2 საჯარო სკოლა: მირანდა ობოლაძის, მანანა იოსებაშვილის, ლია ჭანტურიძის, ვარვალა მარუაშვილის, ლუკა ბუცხრიკიძის და რატი ზარნაძის შემადგენლობით.

4. №49 თერჯოლის საოლქო-საარჩევნო კომისია: გოჩა დოლიძის, თამარ ჭანტურიძის, ფიქრია რობაქიძის, ნინო ჯიაძის, ამირან მაკარიძის და მარიამ გენაძის შემადგენლობით.

5. ა(ა)იპ სახელოვნებო-განათლების, კულტურისა და ტურიზმის მუნიციპალური ცენტრი ლადა ერმოლენკოს, ლერი მაკარიძის, ნინი ნიშნიანიძის, ემზარ ფუტყარაძის, ლალი ღვინეფაძისა და ლიკა ისაკაძის შემადგენლობით.

კოვზირიძე—მოსწავლეთა ცენტრის პედაგოგი, დარეჯან მემანიშვილი—მოსწავლეთა ცენტრის პედაგოგი, პიარ მენეჯერი, ირაკლი ნებიერიძე—მოსწავლე, ნათია გამყრელიძე—მოსწავლეთა ცენტრის პედაგოგი, ანა გოგიაშვილი—მოსწავლეთა ცენტრის პედაგოგი, ანა ჩხიკვაძე—სტუდენტი, ნინო ოქრუაძე—მოსწავლეთა ცენტრის დირექტორი, ანა რობაქიძე—მოსწავლეთა ცენტრის პედაგოგი, აზა მემანიშვილი—კერძო სკოლა „მზეკაბანი 2007“-ის დირექტორი, ლაშა გოგიაშვილი—თერჯოლის მუნიციპალიტეტის მერი, ია კვატაია—სიქთარვის საჯარო სკოლის დირექტორი, მზია ცქიფურიშვილი—გაზეთ „თერჯოლის“ კორესპონდენტი.

ქართული კინო, რომელიც საუკუნეების მანძილზე იქმნებოდა და ქვეყნის კულტურული



სურვილი ჰქონდათ მოთამაშეებს... თუმცა დარჩა პასუხგაუცემელი შეკითხვებიც, რაც მიანიშნებს იმაზე, რომ ქართულ კინოს ნამდვილად ესაჭიროება პოპულარიზაცია, რომ ახალგაზრდებმა მეტი დრო დაუთმონ მათ მოძიებას და ნახვას. ამის ხელმისაწვდომობა ნამდვილად არსებობს.

15 შეკითხვის შემდეგ გუნდებს შორის ქულები ასე გადანაწილდა 9 ქულით დაწინაურდა ა(ა)იპ სახელოვნებო განათლების, კულტურის და ტურიზმის ცენტრი, 8 ქულა დააგროვა თერჯოლის №1 საჯარო სკოლის გუნდმა, 7 ქულა №49 საოლქო-საარჩევნო კომისიამ, 6-6 ქულა თერჯოლის მუნიციპალიტეტის მერიამ და ალისუბნის №2 საჯარო სკოლამ, ხოლო 5 ქულა დააგროვა მუნიციპალიტეტის საკრებულოს გუნდმა.

შესაბამისად ყველაზე მაღალი ქულათა რაოდენობით გამარჯვება მოიპოვა ა(ა)იპ სახელოვნებო განათლების, კულტურის და ტურიზმის ცენტრის გუნდმა, რომლის კაპი-

ტანს ქალბატონ ლალი ღვინეფაძეს, დავით და სერგო კლდიაშვილების სახლ-მუზეუმის დირექტორს გადაეცა გრან-პრი.

საუკეთესო შეკითხვის ავტორად მოთამაშეთა და მაყურებელთა გადაწყვეტილებით დასახელდა გიორგი ბარათაშვილი—მუნიციპალიტეტის საკრებულოს თავმჯდომარე, რომელსაც აგრეთვე გადაეცა სამახსოვრო საჩუქარი.

თამაშში მონაწილე თითოეულ გუნდს გადაეცა დიპლომი.

ამავე დროს თამაშის ორგანიზატორების მიერ დაგვიანებული საჩუქარი გადაეცა აზა მემანიშვილს, რომელიც წინა წლის თამაშზე დასახელდა საუკეთესო შეკითხვის ავტორად...

თამაშში შეაჯამა და გამარჯვებულს მიულოცა მოსწავლე-ახალგაზრდობის ცენტრის დირექტორმა ნინო ოქრუაძემ, მან მაღლობა გადაუხადა თითოეულ მონაწილეს, აგრეთვე მათ გულშემატკივრებს და ახალი წარმატებები უსურვა.

**მზია ცქიფურიშვილი**



სახელოვნებო-განათლების, კულტურისა და ტურიზმის მუნიციპალური ცენტრი, თერჯოლის №1 და ალისუბნის №2 საჯარო სკოლები.

9 ივნისს მოსწავლე-ახალგაზრდობის ცენტრის დარბაზში შეიკრიბა 6 გუნდი, ექვს-ექვსი წევრის შემადგენლობით, რომელთა შორის იყო, თამაშის დებულების შესაბამისად, 2 ან 3 სკოლის მოსწავლე, ამავე ორგანიზაციაში დასაქმებულთა შვილები.

ამრიგად სათამაშო მაგიდებს მიუხსდნენ:

1. თერჯოლის მუნიციპალიტეტის მერია: რამაზ ლორთქიფანიძის, ვანო მარუაშვილის, აკაკი ქურციკიძის, მარი კუხალაშვილის, ლია ლორთქიფა-

ლური ცენტრი ლადა ერმოლენკოს, ლერი მაკარიძის, ნინი ნიშნიანიძის, ემზარ ფუტყარაძის, ლალი ღვინეფაძისა და ლიკა ისაკაძის შემადგენლობით.

6. თერჯოლის №1 საჯარო სკოლა: თამუნა ამირანაშვილის, ასმათ ჩიტორელიძის, ანა მემანიშვილის, თეა მაცაბერიძის, ავთანდილ ურიადმყოფელისა და ელენე კუხიანიძის შემადგენლობით.

მოაზროვნეთა წინააღმდეგ თამაშობდნენ: ნათია ხაჩიძე—მოსწავლეთა ცენტრის იურისტი, თეა რიყამაძე—თერჯოლის №2 საჯარო სკოლის პედაგოგი, გიორგი ბარათაშვილი—მუნიციპალიტეტის საკრებულოს თავმჯდომარე, რუსუდან

ცხოვრების საგანძურია, ხოლო ის ადამიანები, რომლებიც ჰქმნიდნენ მას, იყვნენ ესენი რეჟისორები თუ ფილმში მონაწილე მსახიობები, როლები მონვეული შემსრულებლები ნამდვილად იმსახურებენ მომავალი თაობებიდან ყურადღებას, დაფასებას და გარკვეულ ცოდნას.

თამაში ძალზე დაძაბულად და საინტერესოდ წარიმართა.

იყო ძალიან კარგად შერჩეული და მომზადებული შეკითხვები. დარწმუნებით შეიძლება ითქვას ყველა კითხვის ავტორის სურვილი იყო მოთამაშეებს გამოეცნო და სწორი პასუხები ჰქონოდა თითოეულ შეკითხვაზე, ალბათ ამის დიდი



<p><b>შპს „თარჯოლა“</b>  გამომცემელი  <b>ვალერიან გოგიაშვილი</b>  599 92 49 75  <b>სარედაქციო კოლეჯია</b>  რეგისტრაციის №53/5/ზ-22</p>	<p>კორესპონდენტები:  <b>ნ. გამყრელიძე</b>—555 78 08 55  <b>ი. მარუაშვილი</b>—0(491) 22 15 16  <b>ჟ. ცხადაძე</b>—558 90 82 55  <b>მ. ცქიფურიშვილი</b>—555 28 11 41  ელ-ფოსტა: <a href="mailto:gazetiterjola@mail.ru">gazetiterjola@mail.ru</a></p>	<p>აიწყო და დაკაბადონდა რედაქციის კომპიუტერულ ცენტრში  <b>მისამართი:</b>  ქ. თერჯოლა, კოსტავას ქუჩა №2  დაიბეჭდა ქუთაისის  „შპს „ხომლი ენ“-ის სტამბაში  ქუთაისი, ჭავჭავაძის გამზ. №33</p>	<p>ჩვენი რეკვიზიტები:  „ლიბერთი ბანკი“  <b>LBRTGE22,</b>  ანგარიში  <b>GE32LB0113133960124000</b>  ს/კ 231948872</p>
--	---	---	--